

Onderhawige makte wordt met algemene
stemmen aangenomen.

Notie 3.

Eilandsraadverg. d.d. 26 feb '19.

Voorzitter,

Griffier
Moshon.

| | |
|--------------------|-------------|
| Griffie ER Bonaire | |
| Ingek.: | FEB 26 2019 |
| Volgnummer: | 2019002203 |
| Griffier: | Uitv.: |


Kalendijk: 26 Febrüari 2019.

Moshon presentá pa: Dra. Esther J. Bernabela

Konseho Insular di Entidat Públiko Boneiru, den seshon públiko di 26 di febrüari 2019 ta presentá e moshon aki den kuadro di nos desaroyo general i desaroyo direkto di nos merkado laboral Boneriano huntu ku un bista riba maneho migratorio Hulandes di nos isla di Boneiru, lo siguiente:

Konsiderando;

- ku e impakto global di e situashon migratorio na fronteranan mundial a bira alarmante y ta di atenshon internashonal, unda a krea un moveshon di maneho di e tema menshoná den un ehekushon multi-disiplinario i internashonal;
- ku PaPa Fransisko a urgí Nashonnan Uni pa atendé e situashon serio di migrashon entre Europa, Afrika i Syria den kaso di refugiadonan ku tabata krusa oséano entre kontinente kreando un situashon humanitario di urgensia agudo;
- ku Nashonnan Uni a tuma e maneho di hiba konsulta i inventarisashon entre paisnan i institutonan konserní, den kua Nashonnan Uni a apuntá un representante dediká na e situashon mundial migratorio;
- ku Nashonnan Uni entre dia 11-18 desèmber 2018 a krea un kuadro di kriterio di maneho konsistiendo di 23 punto pa ser adoptá entre 168 pais na mundu inkluyendo Reino Hulandes, enkuanto e mobilitat i protekshon di refugiadonan, loke a resultá den Pakto di Marrakesh na pais Marocco;
- ku e maneho aki ankra den pakto di Marrakesh, ta relevante pa nos den bista di e situashon aktual na Republica Bolivariano de Venezuela;
- ku nos isla Boneiru ta dependé di un maneho ekonómiko sostenibel i duradero, unda avansenan a largu plaso di nos komunitat ta dependé di nos merkado laboral interno pero tambe ariba nos maneho laboral, huntu



ku lei- i regulashonnan ku Ministerio di asuntunan Sosial i di Labor mester ehikutá riba nos teritorio;

- Ku resientemente Diálogo Sentral di Boneiru a restablesé su metanan di Diálogo Tripartit den kuadro di un vishon: "leave no-one behind" i prinsipalmente ku e esensia di Nashonnan Uni por medio di su instituto: International Labour Organization (ILO) ku ta respetá derecho humano, derechonan laboral i ku responsabilidad pa protehé labor migratorio na nivel global.

TA DISIDI

1. Pa instruí Kolegio Ehekutivo di Boneiru pa tuma e akshon pa instalá un komishon multi-disiplinario permanente entre IND, OLB i SZW te na momento ku reforma i aktualisashon di nos reglamento nan laboral i migratorio di entidat Boneriano kambia den espíritu di Pakto di Marrakesh di Nashonnan Uni, resientemente adoptá na nivel mundial.
2. Tarea di e komishon menshoná mester inventarisá tur reglamento eksistente i tur resientemente adoptá, studia benefisio i rísiko di aportashon, presentá proposishonnan konkreto di mehoransa i balansa den kuadro di nos leinan vigente di Reino na Kolegio Ehekutivo di Boneiru pa por ser presentá na Ministerio di asuntunan Sosial i di Labor;
3. Konseho Insular di Boneiru ta deseá pa Diálogo Sentral di Boneiru, asumí e tópiko di situashon laboral i migratorio komo un tema riba nan agènda den e próksimo reunionnan den 2019, alabes fungi komo un organismo di apoyo i lobby nesesario pa ku Minister di asuntunan Sosial i di Labor pa ku e tema menshoná di derecho humano i evolushon laboral regional.

Ta pasa pa órden di dia

Kralendijk, 26 Febrüari 2019

FIRMANTENAN

